



## KOORDINACIONI ODBOR BORAČKIH ORGANIZACIJA KANTONA SARAJEVO

- JOB "UNIJA VETERANA" KANTONA SARAJEVO
- ORGANIZACIJA "ŠP I PB" KANTONA SARAJEVO
- SAVEZ "RATNIH VOJNIH INVALIDA" KANTONA SARAJEVO
- SAVEZ UDR. BORACA PATRIOTSKA LIGA KANTONA SARAJEVO
- SAVEZ "ZLATNI LJILJAN I ZL. POL. ZNAČKA" KANTONA SARAJEVO
- UDRUŽENJE BORACA ZELENE BERETKE KANTONA SARAJEVO
- UDRUŽENJE RVI "PARAPLEGIČARA" KANTONA SARAJEVO
- SAVEZ ANTIFAŠISTA BORACA NOR-a KANTON SARAJEVO
- UDRUŽENJE VETERANA ODREDA POL. "BOSNA" KANTONA SARAJEVO
- UDRUŽENJE "LOGORAŠA" KANTONA SARAJEVO

Sjedište Sarajevo, Džidžikovac br.3/3  
Tel: 033-209-250, tel/fax. 033-213-412

Broj: 15-04-50/17  
Sarajevo, 20.12.2017. godine

SVIM ELEKTRONSKIM I PISANIM MEDIJIMA  
S A R A J E V O

PREDMET: Saopštenje za javnost

Koordinacioni odbor boračkih organizacija Kantona Sarajevo obavještava javnost da je Vlada KS na čelu sa premijerom Elmedinom Konakovićem, na našu inicijativu, planirala finansijska sredstva za pomoć optuženim pripadnicima Oružanih snaga R BiH i na tome smo im jako zahvalni i imaju našu punu podršku. Nadamo se da će ova sredstva doprinijeti potvrđivanju istine o časnoj borbi svih pripadnika Armije i MUP-a R BiH u odbrani od agresije na čelu sa našim proslavljenim komandantima.

Također izražavamo svoje veliko iznenađenje i gnušanje negativnim reakcijama jednog dijela dušebrižnika koje je izazvala ova informacija, a koje smo ovih dana mogli pročitati na društvenim mrežama te pojedinim portalima. Ovo se prije svega odnosi na komentar gđe Ivane Marić, političke analitičarke, koja je za razliku od mnogih javno i transparentno izrekla svoj stav. Stoga je ovo odgovor Ivani i svim drugim Ivanama koje se ne potpisuju:

- Prije svega ne postoje u BiH tri strane „bošnjačka, hrvatska i srpska“ kako to Vi često komentarišete čime svjesno ili nesvjesno stajete na stranu raznih neprijatelja ove države koji bi vrlo rado da izjednače agresore i braniocima ove zemlje. Također zaboravljate da su ovu zemlju, rame uz rame u redovima Armije i MUP-a R BiH, zajedno branili i Bošnjaci, i Srbi, i Hrvati, odnosno svi patriotski opredijeljeni Bosanci i Hercegovci.
- Također, i Vama i svim ostalim dušebrižnicima naglašavamo da apsolutno svako ko je počinio zločin treba za isti i odgovarati. Ali ovdje se radi o optužbama istaknutih HEROJA ove zemlje ne za izvršavanje ili čak ni naređivanje zločina, već za optužbe da su „morali ili trebali znati“ da se zločin desio. Istovremeno zaboravljate činjenicu da je ovaj narod (mislimo na sve patriote država BiH) preživio genocid, etničko čišćenje i sveukupno najstrašniji zločin u novijoj historiji čovječanstva i da je za takav zločin odgovarao veoma mali broj ljudi u odnosu na obim zločina.
- Poštovana Ivana, komentarišući presudu hercegovačkoj šestorci u više navrata ste izrazili Vaše žaljenje što Sud u Hagu nije ostvario svoj cilj i doprinio pomirenju. Pa zar nije zadatak Suda da utvrdi istinu, na osnovu činjenica izrekne presudu, a da se onda proces pomirenja gradi na istini. Također ste izrazili žaljenje što Hrvatska nije u samom postupku uložila više u odbranu optuženih nego što sada od zločinaca prave heroje. Oprostite nam molimo Vas što mi i Vlada Kantona Sarajevo slušamo Vaše savjete i što ne želimo dozvoliti da se od naših heroja prave zločinci.

S poštovanjem

KOORDINACIONI ODBOR  
BORAČKIH ORGANIZACIJA  
KANTONA SARAJEVO